

OTTO AVVISI PER IL BUON ANDAMENTO DELLA CONGREGAZIONE. -

Directoribus aliisque superioribus cuiusque domus Salesianae in D. S. P.,

Mense Septembris nuper elapso, Generale Capitulum in nostro Collegio apud Lanceum habitum fuit, in quo plura ad Nostrae Congregationis utilitatem statuta fuerunt. Sed antequam hujusmodi Decreta typis mandari sociisque nostris communicari queant, cum tempus et labor non levis adhuc requiratur, bonum visum est nonnulla hic in antecessum adnotare, quae magis magisque ad proxim necessaria censentur et quorum observantiam summopere in Domino commendamus. Sunt nempe:

1. Deliberationes, quae jam in priori Capitulo Generali ratae fuerunt, legantur, et praecipue quae ad mores atque ad oeconomiam spectant, ad mentem revocentur.
2. Directores maximam impendant diligentiam, ut quisque Socius animum suum libere et commode singulis mensibus aperiat. Itidem Exercitium Bonae Mortis statuto die, vel omnes una simul collecti, vel etiam separatis, quisque peragere studeat, eodemque die legatur unum ex Capitulis Nostrarum Constitutionum, vel Epistola sancti Vincentii a Paulo, quae easdem Constitutiones praecedit.
3. Multae et graves rationes suadent, ut nemo, nisi ex medici pracepto, ad aquas balnearias accedat.
4. Obedientia inter nos sit de facto erga Superiores, quoad Constitutiones, quoad officia uniuersique commissa. Clare expluentur Saneti Pauli Apostoli verba : Obedite praepositis vestris etc. Hinc nemo ex ea domo, ubi a suis Superioribus positus est, ne paulisper quidem discedat absque Superioris consensu, et rationabili causa intercedente.

Itidem nemo apud se pecuniam retineat, neque eroget, nisi ex causa et mensura quas ei Superior constituit.

5. Satagant Superiores ut omnino claudatur omnium malorum officina, qualis est feriarum tempus apud parentes aut amicos transigere.
6. Unusquisque se ipsum praebeat exemplum bonorum operum, et ab omni specie scandali per accurate fugam apprehendat.

7. Patientia, caritas et mansuetudo nostra resplendeant in opere et sermone, adeo ut adimpleantur in nobis verba Christi: Vos estis saepe terra, vos estis lux mundi.

8. Mense Februario et Martio cuiusque anni unusquisque Socius ad Rectorem Majorem Epistolam scribat, in qua valetudinis et vocationis sua statura fidenter exponat, ut animi sui quieti et utilitati consulere possit. Hujusmodi Epistolam, cum sit ad Superiorum inseripta, nemo neque legere, neque adaperire audeat.

Filii mei in Christo carissimi, maneamus in vocatione, -qua vocavit nos Dominus, et satagamus, ut per bona opera vocationem et electionem nostram certiorem faciamus.

Nam, quod Deus avertat, si nos posuerimus manum ad aratum et respexerimus retro, apti non erimus regno Dei Singuli Directores omnibus sua domus sociis hanc Nostram Epistolam legant, explicit et de singulis articulis supra adnotatis saepius ad eos breviter sermonem habeant.

Gratia Domini Nostri Jesu Christi sit semper nobiscum. Amen.

Datum Augustae Taurinorum, Prima die novendialis

Solemn. Immaculatae B. V. Conceptionis 1880.

JOANNES Bosco Sacerdos.